

欽定四庫全書薈要

經部
禮類

吉林出版集團有限責任公司
海天出版社





目次

書名	卷次	頁次	作者
禮經會元	卷一—卷八	四九—一四九	宋·葉時撰
卷首		四九—一四九	
卷一		四九—一四九	
禮經 註疏 民極 官名 兼官 相權			
邦典 官法 都則 馭臣 馭民 任			
民 賦斂 式法 侯貢 繫民 正朔			
象法 考課 官刑 官叙 官屬 官聯			
官成 朝儀			
卷二		四九—一四八	
官衛 膳羞 燕禮 饗食 耕藉 同姓			
醫官 酒政 藏冰 鹽政 財計 內			
帑 錢幣 內政 門製 奄官 教化			
王畿 封建 井田 荒政 鄉遂 軍賦			
役法 選舉			
卷三		四九—一〇二	
齒德 遷邑 社稷 教胄 諫官 和難			
昏禮 市治 水利 重農 山澤 園			
游 製祿 祭祀 郊廟 賓禮 禮命			

書名	卷次	頁次	作者
瑞節 禮樂 天府 冕服 學校 祭樂 樂舞 詩樂 卷四 卜筮 史官 明堂 繫世 名諱 天文 分星 車旗 兵政 將權 師田 賞 功 馬政 火禁 險固 射儀 久任 圖籍 地理 刑罰 詛盟 鳥獸 遣使 夷狄 補亡 附錄 太平經國之書 卷首 卷一 教化 奉天 省官 內治 官吏 宰相 卷二 官民 官刑 攬權 卷三 養民 稅賦 節財 卷四 保治 考課	卷一—卷二一	四九—一五二 四九—二〇一 四九—二〇八 四九—二二六 四九—二三二 四九—二三八	宋・鄭伯謙撰

書

名

卷五

賓祭 相體

卷六

内外上 内外下

卷七

官製 臣職 官民

卷八

官衛 奉養 祭饗

卷九

愛物 醫官 鹽酒

卷一〇

理財 内帑

卷一一

會計上 會計下 内治

考工記解

卷首

卷上

卷下

卷

次

頁

次

作

者

四九—二三四

四九—二四一

四九—二四六

四九—二五一

四九—二六〇

四九—二六八

四九—二七三

卷一—卷二

四九—二八三

四九—二八四

四九—三三三

宋・林希逸撰

書名	卷次	頁次	作者
儀禮註疏 卷首 卷一 士冠禮第一 卷二 士昏禮第二 卷三 士相見禮第三 卷四 鄉飲酒禮第四 卷五 鄉射禮第五 卷六 燕禮第六 卷七 大射儀第七 卷八 聘禮第八	卷一—卷二七	四九—三九五 四九—四〇八 四九—四四三 四九—四七七 四九—四八八 四九—五一九 四九—五七〇 四九—六〇三 四九—六四九	漢·鄭康成註 唐·陸德明音義 賈公彥正義

書

名

卷

次

頁

次

作

者

卷九

公食大夫禮第九

卷一〇

覲禮第一〇

卷一一

喪服第一一

卷一二

士喪禮第一二

卷一三

既夕第一三

卷一四

士虞禮第一四

卷一五

特牲饋食禮第一五

卷一六

少牢饋食禮第一六

卷一七

有司徹第一七

四九—七二三

四九—七四三

四九—七六四

四九—八三二

四九—八七五

四九—九一八

四九—九四四

四九—九八一

四九—一〇〇五

欽定四庫全書薈要

經部
禮經會元卷一上

欽定四庫全書薈要

禮經會元序

周官六典周公致太平之書也然汨於漢儒之注疏使
聖人之道千載不明宋之文明濂洛諸儒相繼以出易
書詩春秋皆有成說周禮一經又得龍圖閣學士葉文
康公會元而表章於世實可以緝濂洛之未備矣文康
立朝正色與朱紫陽相友善則講貫之素有不苟然者
余蒞政之暇就其六世孫江浙提學廣居得其書而讀
之其出入諸經援引明贍比事漢唐考覈精詳一洗漢
儒之陋誠有裨於治化者舊板之廢已久因重鈐梓以
廣其傳吁唐虞遠矣後之言治者莫過周公求周公之
治莫出於周禮有天下國家舍是無以法矣則是書之
傳豈曰小補之哉至正乙巳中秋日榮祿大夫江潮行
省右丞兼同知行樞密院事海陵潘元明序

欽定四庫全書

禮經會元
序

詳校官編修臣程嘉謨

昔周公致太平之跡具載六官凡天地日月之遠山川

封域之近禮樂刑政之著夷狄鳥獸之微皆經綸區別

無不各得其宜此聖人精神心術之所寓傳諸萬世所

當守為律令而不可忽焉者也秦人欲肆其暴而惡六

經為害已乃盡舉而焚之其罪可勝誅哉漢儒掇拾殘

編斷簡於烈燄之中僅千百之十一耳然皆百孔千瘡

卒未有以理為之折衷者河間獻王妄以考工記而補

冬官之闕蓋亦陋矣故宋葉文康公生乎百世之下而

欽定四庫全書

禮經會元
序

確然有見於百世之上乃取經文之所存者會而通之

蒐羅囊括曲暢旁達事覈理當如指諸掌其補亡一篇

又皆以經補經盡洗漢儒附會之陋譬之美玉有闕以

玉補之不愈於用石乎公裔孫今江浙儒學副提舉廣

居奉遺藁獻之江浙行中書右丞榮陽潘公公命刻諸

梓且寓書俾余序其篇端余於文康無能為役而於禮

也則願學焉既幸其後有人又嘉潘公之樂善不倦乃

不辭而為之書至正二十六年歲丙午正月甲辰後學

臨海陳基序

欽定四庫全書

禮經會元
序

二

禮經會元目錄

第一卷

禮經 註疏 民極 官名 兼官 相權

邦典 官法 都則 馭臣 馭民 任民

賦斂 式法 侯貢 繫民 正朔 象法

考課 官刑 官叙 官屬 官聯 官成

朝儀 附圖

第二卷

欽定四庫全書

禮經會元目錄

宮衛 附圖 膳羞 燕禮 饗食 耕籍 同姓

醫官 酒政 藏冰 鹽政 財計 內帑

錢幣 內政 門制 奄官 教化 王畿 附圖

封建 井田 荒政 鄉遂 軍賦 役法

選舉

第三卷

齒德 遷邑 社稷 教胄 諫官 和難

昏禮 市治 水利 重農 山澤 園遊

制祿 祭祀 郊廟 賓禮 禮命 瑞節

禮樂 天府 冕服 學校 祭樂 附圖 樂舞

詩樂

第四卷

卜筮 史官 明堂 附圖 繫世 名諱 天文

分星 附圖 車旗 兵政 將權 師田 賞功

馬政 火禁 險固 射儀 久任 圖籍

地理 刑罰 詛盟 鳥獸 遣使 夷狄

欽定四庫全書

禮經會元目錄

補亡

臣等謹案禮經會元四卷宋葉時撰時字秀

發錢塘人理宗朝龍圖閣學士光祿大夫致

仕卒諡文康是書名曰釋經而實不隨文箋

䟽但舉周禮中大指為目凡一百篇皆旁推

交通以暢其說蓋取鎔經義以自成一家言

者時與朱子友善深詆王安石新法謂程子

所云有闕雖麟趾之意而後可行周官之法

欽定四庫全書要卷一千九百七十七

經部

禮經會元卷一上

宋 葉時 撰

禮經

度正為安石而發是固然矣至其言冬官不
必補而訾河間獻王取考工記附周禮適以
啟武帝之忽畧是經世且以為壞周禮自鄭
康成始皆過於非議古人未免自立門戶之
習其他臆斷之處雖時有之然亦頗有深切
著明可以施於實用者蓋時於經世之具嘗
究心焉未可概以經生常業例也乾隆四十
年十二月恭校上

欽定四庫全書

禮經會元
目錄

三

總纂官_臣紀昀_臣陸錫熊_臣孫士毅

總校官_臣陸費墀

知有聖人之治法當知有聖人之道法離道于法非深
於周禮者也欲觀周禮必先觀中庸中庸曰大哉聖人
之道洋洋乎發育萬物峻極于天優優大哉禮儀三百
威儀三千待其人而後行夫禮儀三百經禮也說者謂
周禮是也威儀三千曲禮也說者謂儀禮是也二書皆
周公所述也中庸言聖道發育萬物復斂而歸之禮儀
威儀之中何哉蓋聖人之道洋洋乎極於至大而無外
優優乎入於至小而無間周公所書雖曰制度文為之
所在而聖人所以生物不窮與天並立者實出於其中
是誠中而不偏之正道庸而不易之正理不如是烏足
為生民立極為萬世開太平也哉雖然有周公則周禮
作有成王則周禮用制而用之存乎法推而行之存乎

欽定四庫全書

禮經會元
卷一上

一

人昔周公相成王兼三王之事監二代之文夜以繼日坐以待旦事為之制曲為之防垂至治之法而先有亂日之憂處極盛之時而逆為衰世之慮紀綱制度纖悉必備於是乎周禮作焉君臣同德相與圖維以立政無逸之規模而植立鳧鷖既醉之事業以藁蕭行葦之思意而講明洛誥周官之典刑精神心術疊疊忘倦於是乎周禮用焉井牧始於黃帝而九夫經野之制備弼服昉於堯而九畿分國之制詳典刑俶於舜而五刑麗民之

制具施諸今而不悖稽諸古而益彰此三者道之所以行也然此猶其大者又次如冠昏喪祭之文又其次如服食器用之度無不竭吾心思而經畫之微而至於羽毛鱗介之形又微而至於蠹狸鼯鼯之類而必為之區處各當而後已是禮也舉本而不遺末語精而不遺粗周公以之相七年之治成王以之致四十年之平周家以之永八百年之命即此一書可以發育萬物峻極于天非徒為三百禮文而已此周公之道所以為周公之

法與然周公豈有它道哉堯以是傳之舜舜以是傳之禹禹以是傳之湯湯以是傳之文武周公周禮一書皆此道也戰國孤秦而下道已不得其傳而周公之法隳矣漢武號為有志於道然承嬴劉之弊井田改而阡陌封建裂而郡縣肉刑變而笞箠三者行道之本漢去古未遠且不能以漸復區區官名之定服色之易正朔之改曾無補於治道之萬一河間所獻之書且不肯過目況望其勉強行道乎劉歆生當陽九之厄百六之會乃

欲取之以輔新莽彼何人斯敢輕議禮吁周公之法不行周公之道無恙也苟非其人道不虛行後世惟一唐太宗亦知周禮為真聖人所作而曰不井田不封建不肉刑欲行周公之道不可得也是以徒發望洋之歎耳世儒嘗恨太宗不能修復古制以為唐自元魏北齊以來授民以田分民以鄉先王之制十已用其二繼以蘇綽在周約六典以建官而府兵之制微有端緒先王之制十已用其五六又繼以隋文帝之富盛蘇威高顗

之損益先王之制十已用其七八太宗躡其後而行之使其深觀詳察纖悉委曲有以補前代之未備則唐之治為周之治惜太宗之不為此也然觀魏齊周隋之時

制度近古而卒無善治者道失其傳而徒法不能以自

行也今觀貞觀之治世業以受田租庸調以取民七百

三十員以建官十六衛八百府以置六法非不良政非

不善終不保其後之不變或者不原其道之不行而惟

咎其法之未盡不思太宗行仁義方四年遽滿心於既

欽定四庫全書

禮經會元
卷一上

四

効已德色於致平聖人發育峻極之妙果如是易談邪彼知周公之法不行不足以行周公之道安知周公之道不行其何以行周公之法與蓋自周衰道之不行久矣子思子已逆知後世之不善用周公者也故曰待其人然後行金陵王氏以儒學相熙寧而嘗一用周禮奈何新經行而僻學興新法立而私意勝末流之弊罪有浮於漢儒者故程明道曰有闕雖麟趾之意而後可行周官之法度正為斯人發也烏乎道其不行已夫後世

身君師之責者有能思周公之所思行周公之所行庶乎其可以為成周之治矣不然道之不行而徒法之是任未可以語周禮

註疏

周禮之出自劉德始累周禮者亦自劉德始周禮之立自劉歆始誣周禮者亦自劉歆始周禮之傳自鄭康成始壞周禮者亦自鄭康成始昔秦人滅學周禮以藏之山巖屋壁而獲存武帝時有季氏得之以上河閒獻王

欽定四庫全書

禮經會元
卷一上

五

德全書不得見得見五官斯可矣河閒獻王乃以考工記補之司空一職豈考工記之事邪觀其言曰國有六職百工與其一焉是以治教刑政之屬特與工匠器械等耳即此一語可謂不識周禮矣異時奏入祕府周禮雖存而漢君詆之以為末世瀆亂之書得非劉德一記累之邪故曰累周禮者劉德也周禮一書既不得行於武帝之世至成帝時有劉歆者獨識其書為周公致太平之迹亦云幸矣柰何身為國師取之以輔王莽乃為

泉府理財之說於是六幹立法則郡皆置市官即此一說可謂不知周禮矣當時奏入學官周禮雖存漢儒皆之以為六國陰謀之書得非劉歆一法誣之乎故曰誣周禮者劉歆也雖然累周禮者其罪小誣周禮者其罪大誣周禮者其法在壞周禮者其法亡何則劉德補亡善學周禮者皆知其為不類劉歆立法善用周禮者皆知其為不經禮經之學所賴以相傳者諸儒誦明之功也今杜子春得之於劉歆鄭興鄭衆得之於杜子春鄭康成號為囊括六典網羅衆家蓋亦知所折衷矣胡為不抱遺經推究終始而乃憑私臆決旁據曲證此周禮所以不明而名後儒紛紜之議也大抵康成說經有五失一引緯書二引司馬法三引春秋傳四引左氏國語五引漢儒禮記姑撫一二言之周禮無天帝之異名而註有北辰耀魄寶之說後儒是以有天帝之辨此緯書之失也周禮無分野之明文而註有歲之所在我周分野之說後儒是以有分野之惑此國語之失也丘乘之

政在周禮可推也鄭則曰甸出長轂一乘丘乘當為丘甸則丘乘之法壞矣此司馬法誤之也冕服之章在周禮可覆也鄭則曰三辰旂旗王服正為九章則服章之制紊矣此以春秋傳誤之也內司服以褱衣為后飾追師以副編為后飾而註曰夫人副褱則王后夫人之飾又亂矣此又以禮記誤之也不思漢儒緯書非聖人之書穰苴兵法非聖人之法左氏之語多誣戴氏之記多雜其可引援以證聖經邪不特此爾以御史大夫比小宰以城門校尉比司門以少內譬職內以尚書準司會以尚書作誥文類御史官制已大戾矣以漢箕方九賦以莽制比國服以國服為息加師旅以殷周變制議封建以鄉遂異制誣井田以貢助異法釋畿內邦國之稅此皆害周禮之大者也自康成之註既行而賈公彥一疏一惟鄭注之是解周禮制度合與不合不暇究矣儒者沿襲註疏之文考之於經而不合遂指周禮為非公之全書是敢於叛聖人之經而不敢違漢儒之說也

吁劉歆之誣周禮一時之失而周禮之法尚在鄭康成之壞周禮千載之惑而周禮之法幾亡然而法未嘗亡禮未嘗壞讀周公之禮而行周公之法亦惟以聖經為據斯可也

民極

周禮叙六官首篇皆曰惟王建國辨方正位體國經野設官分職以為民極唐太宗讀周禮至此嘆曰誠哉深乎蓋此數語周公作周禮之綱領故於六典迭言之夫

欽定四庫全書

禮經會元
卷一上

八

極之為言有中之義聖人以中道立標準於天下而使天下之人取中焉武王訪洪範於箕子以叙彝倫而五以皇極居古今未有含皇極而能立國者今以周禮考之土圭測景以求地中建國也面朝後市左祖右社辨方也朝分內外位別東西正位也公五百里至男百里體國也九夫為井至四縣為都經野也一曰天官至六曰冬官設官也一曰治職至六曰事職分職也而周公則總之以為民極焉極也者不識不知順帝之則如

堯之立民是也是彝是訓于帝其訓如周之敷言是也今周公所以為民立極者惟在王畿方位國野官職之中蓋王畿立而後根本定方位設而後等級明國野分而後疆理正官職舉而後綱目張民極之立孰有大於此者故周公不惟於天官言之而五官各引之以冠其篇首丁寧訓告若是諄複則是三百六十餘官事物物皆有極何往而非斯民之標準與蓋極之所在所以習民於尊卑等級之中而導民於禮樂教化之內消其亡等冒上之念而歛其安分知足之心斯民入則會其有極出則歸其有極經制烏乎而不定風俗烏乎而不淳嘗觀大司徒以五禮防萬民之偽而教之中以六樂防萬民之情而教之和又曰以刑教中則民不暴以樂教和則民不爭至大宗伯亦曰以天產作陰德以中禮防之以地產作陽德以和樂防之一則曰中和二則曰中和皆所以建中和之極也然而王畿之根本未定方位之等級未明國野之疆理未正官職之綱目未張雖

欽定四庫全書

禮經會元
卷一上

九